



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«16» 01 2024թ.
No 11/11-Կ/2841-2024

«ՎԻՎԱ ՄԱՅՆԻՆԳ» ՍՊԸ ՆԱԿԵՐՈՒԹՅԱՆ ՏՆՕՐԵՆ
ԱՐՐԱՀԱՄ ԱՐՐԱՀԱՄՅԱՆԻՆ (ՀՎՀՀ՝02662797)
Հասցե՝ Բ.ԵՐԵՎԱՆ ԴԱՎԹԱՇԵՆ ԹԱՂ. ԴԱՎԹԱՇԵՆ 9 Փ. 19

Հարգելի պարոն Աբրահամյան

Տեղեկացնում ենք, որ 12.12.2023թվականին ՀՀ պետական եկամուտների կոմիտեի և «ԱՏ-ՄԵՏԱԼՍ» ՍՊԸ ընկերության (ՀՎՀՀ՝00118721) միջև կնքվել է պարտավորությունների աստիճանական մարման ժամանակացույց՝ 16191997 դրամի չափով, 9 ամիս ժամկետով: Ի ապահովումն «ԱՏ-ՄԵՏԱԼՍ» ՍՊԸ ընկերության ժամանակացույցով նախատեսված պարտավորությունների կատարման՝ ՀՀ պետական եկամուտների կոմիտեի, «ԱՏ-ՄԵՏԱԼՍ» ՍՊԸ ընկերության (ՀՎՀՀ՝00118721) և «ՎԻՎԱ ՄԱՅՆԻՆԳ» ՍՊԸ ընկերության (ՀՎՀՀ՝02662797, հասցե՝ Բ.Երևան Դավթաշեն Թաղ. Դավթաշեն 9փ. 19) միջև 04.12.2023 թվականին կնքվել է շարժական գույքի գրավի պայմանագիր, համաձայն որի գրավադրվել է «ՎԻՎԱ ՄԱՅՆԻՆԳ» ՍՊԸ ընկերությանը սեփականության իրավունքով պատկանող 2029 LL պետ.համարանիշի VOLVO A40D մակնիշի, A40DV12058 նույնացման համարի, 2005 թվականի արտադրության տրանսպորտային միջոցը /ինքնաթափ/, որի ընդհանուր շուկայական արժեքը կազմել է 29041197 դրամ գումար: «ԱՏ-ՄԵՏԱԼՍ» ՍՊԸ ընկերության կողմից ժամանակացույցով սահմանված 2023 թվականի դեկտեմբեր ամսվա համար նախատեսված վճարումը ամբողջությամբ չի կատարվել և ժամանակացույցը խախտվել է:

04.12.2023 թվականի կնքված շարժական գույքի գրավի պայմանագրի 2.2 կետի համաձայն՝ Գրավառուն իրավունք ունի գրավի առարկայի հաշվին լրիվ ապահովել իր պահանջները՝ կապված գրավով ապահովված պարտավորությունները չկատարելու կամ ոչ պատշաճ կատարելու դեպքում, իր պահանջները բավարարել սույն

պայմանագրով նախատեսված գույքի իրացման արդյունքում ստացված գումարների հաշվին:

Նույն պայմանագրի 3.2 կետի համաձայն՝ Գրավատուն իրավունք ունի Գրավառուի նկատմամբ ստանձնած պարտավորությունների պատշաճ կատարման դեպքում Գրավառուից պահանջել սույն պայմանագրի դադարեցում:

Նույն պայմանագրի 7.2 կետի համաձայն՝ ՀՀ քաղաքացիական օրենսգրքի 249-րդ հոդվածի համաձայն՝ սույնով կողմերը համաձայնության են գալիս, գրավի առարկայի վրա բռնագանձումը տարածել արտադատական կարգով՝ գրավի առարկայի իրացման գումարի հաշվին: Գրավառուի պահանջները բավարարվում են առանց դատարան դիմելու:

ՀՀ հարկային օրենսգրքի 437-րդ հոդվածի 4-րդ կետի համաձայն՝ հարկ վճարողի կողմից իր հարկային պարտավորությունները չկատարելու դեպքում հարկային մարմինն իրավունք ունի այդ պարտավորությունները մարելու՝ ի հաշիվ գրավադրված գույքի՝ «Դատական ակտերի հարկադիր կատարման մասին» ՀՀ օրենքով սահմանված կարգով:

ՀՀ հարկային օրենսգրքի 437-րդ հոդվածի 12.1-ին մասի համաձայն՝ հարկ վճարողի կողմից պարտավորությունների աստիճանական մարման ժամանակացույցով սահմանված ժամկետում գրավով ապահովված հարկային պարտավորությունների կատարման առաջին իսկ խախտման դեպքում հարկային մարմինը խախտման օրվանից հետո՝ 10 աշխատանքային օրվա ընթացքում, հարկ վճարողին և գրավատուին ներկայացնում է գրավոր պահանջ՝ գրավով ապահովված հարկային պարտավորությունների կատարման համար:

Տեղեկացնում ենք, որ ՀՀ հարկային օրենսգրքի 437-րդ հոդվածի 12.1-ին մասի համաձայն ներկայացվող գրավոր պահանջն արդեն իսկ ուղարկվել է հարկ վճարողին:

Նույն օրենսգրքի 437-րդ հոդվածի 12.2-րդ մասի համաձայն՝ հարկ վճարողի կողմից գրավով ապահովված՝ չկատարված հարկային պարտավորությունները ենթակա են կատարման այդպիսի պահանջը հարկային մարմնից ստանալուց հետո՝ երեք աշխատանքային օրվա ընթացքում:

Միաժամանակ տեղեկացնում ենք, որ նույն օրենսգրքի 437-րդ հոդվածի 13-րդ կետի համաձայն՝ հարկ վճարողի կողմից սույն հոդվածի 12.2-րդ մասում նշված ժամկետում իր պարտավորությունների չկատարման կամ մասնակի կատարման դեպքում հարկային


մարմնի այդ պահանջը սահմանող փաստաթուղթը համարվում է անբողոքարկելի վարչական ակտ, որից հետո հարկային մարմինը գրավի պայմանագիր կնքած անձի նկատմամբ կարող է կիրառել անբողոքարկելի վարչական ակտերի համար Օրենսգրքով նախատեսված հարկային պարտավորությունների հարկադիր կատարման ընթացակարգերը:

Սույնով տեղեկացնում ենք, որ ՀՀ պետական եկամուտների կոմիտեն սկսել է 04.12.2023 թվականի կնքված շարժական գույքի գրավի պայմանագրով նախատեսված պարտավորություններն ի հաշիվ գրավադրված գույքի մարելուն ուղղված գործողություններ:

ՀԱՐԳԱՆՔՈՎ

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ



ԱՐՄԱՆ ՄԱՅԱԿԱՆՅԱՆ

Կատարող՝ ՀՀ ՊԵՏ Իրավաբանական վարչության
հարկադիր գանձման և պարտավորությունների
կատարման ապահովման բաժնի գլխավոր մասնագետ
Մելանյա Մաթևոսյան, հեռ. 010-30-91-91 /91-65/